

Powšitkowne WOZJEWJENJA

njedźelu, 2. februara 2020

Wopominanje zbóžneho Alojsa

Na wopomnjenskim dnju zbóžneho Alojsa Andrickeho pónđzelu, 3. februara, budu w Radworju we 18.30 hodž. swjatočne kemše. Swjedženske přédowanje změje farar dr. Bernhard Dittrich ze Smochćic. Po kemšach wudžěli so požohnowanje na zastupnu próstwu swjateho Błažija.

Hłowna zhromadźizna TCM

Wšitcy člonoyo a zajimcy su wutrobnje přeprašeni na hłownu zhromadźiznu Towarstwa Cyrila a Metoda z.t. pjatk, 14. februara, do Wotrowa. Wona zahaji so z Božej mšu we 18 hodž. a pokročuje potom na farje.

Seminaraj k přihoťej na mandželstwo

Přizjewjenja za lětušej terminaj k přihoťej na sakrament mandželstwa w Smochćicach přijimuju hač do pónđzele, 10. februara, w młodžinskim dekanatnym dušepastyrstwe we Worklecach. Móžne je přizjewjenje jeničce na nowej internetowej stronje młodžinskeho dekanatneho dušepastyrstwa www.junges-bistum-ddmei.de/sorbisch pod wotpowědny terminom.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 3. měrca, w 14 hodž. do Domu biskopa Bena w Smochćicach přeprašeni. Zajimcy njech so prošu hač do wutory, 25. februara, w redakciji Katolskeho Posoła přizjewja, telefonowe čisło (0 35 91) 55 02 12. Tež dalši zajimcy su wutrobnje witani. Štóz chce wotewzaty być, njech to prošu zdžěli.

Zhromadny dzeń za 1. a 2. lětnik

Džěcace a młodžinske dekanatne dušepastyrstwo přeprašuje džěci 1. a 2. lětnika pod hesłom „Nowy spočatk“ sobotu, 29. februara, wot 9 do 15 hodž. do Worklečanskeho Don Boskoweho domu. Zajimcy njech so prošu hač do pjatka, 21. februara, pod telefonowym čisłom (03 57 96) 8 87 07 abo z mailku na worklecy-kise@gmx.de přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

Kubłanske dny serbskeje młodžiny

Pod temu „Stwórba Boža“ zarjaduje Worklečanske dekanatne dušepastyrstwo młodžiny wot pjatka do njedzele, 28. februara. do 1. měrca, kubłanske dny serbskeje młodžiny w Schmiedebergskim Domje Martina Luthera Kinga. Městna tam su wobmjezowane. Přizjewjenja z mailku na don.boskowy-dom@t-online.de přijimuju hač do srjedy, 12. februara.

Přednošk a film w putniskej hospodže

W Chróšćanskej putniskej hospodže porěči Frank Böhm z Heidelberga sobotu, 8. februara, w 19.45 hodź. wo wěrjomnych podawiznach na Jakobowym puću. Samsny dzeń popołdnu w 16 hodź. je džěćace kino z filmom „Potajnstwo stareho młyna“. Wšitcy zajimcy su wutrobnje přeprošeni.

Předstajenja noweje hry Bratrowstwa

Dźiwadłowa skupina Kulowskeho Bratrowstwa předstaji swoju nowu žortnu hru „Namrěwstwa dla zawrjene“ njedzelu, 16. februara, w 17 hodź. w Radworskim ho-sćencu „Meja“ a sobotu, 29. februara, w 17 hodź. w Njebjelčicach. Terminy dalšich předstajenjow na serbskich wsach so sčasom wozjewja.

„7 tydženjow so wzdać“

Wot popjelneje srjedy hač do jutrow su pory přeprošene, zo bychu so na póstnej akciji pod hesłom „7 tydženjow so wzdać“ wobdžělili. Přizjewić měli so pory w interneće. Link a nadrobniše informacije su na internetowej stronje www.posol.de wozjewjene.

„Mjenje stresa – wjace wjesela“

W Smochčanskim Domje biskopa Bena ma so w pjatym tydženju lětnich prózdnin wot soboty do soboty, 15. do 22. awgusta, swójbny tydzeń pod temu „Mjenje stresa – wjace wjesela“ wotměć. Staršim z džěćimi wot třoch lět poskićuja tam móžnosć, we wšelakich seminarach nastorki za wšědny dzeń w swójbje dóstać. Při tym póndže wo respektny kubłanski stil, wo wid na potrěbnosće džěći a młodostnych kaž tež wo to, na kotre wašnje móhli starši na mylace wašnja zadžerženja wotpowědnje reagować. W času seminarow za staršich změja džěći swójsku zaběru. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy w Smochčicach pod telefonowym čisłom (03 59 35) 2 23 17.

Do „Božeje zahrody“ a wokoliny

Ze Šmitec wozydłownistwom přeprošuju na putniku jězbu wot štwórtka do póndžele, 30. julija do 3. awgusta, do tak mjenowaneje „Božeje zahrody“. W bazilice Vierzehnheiligen wobdžělili so na putniskich kemšach. Zastanjemy tohorunja w Bayreuce a wopytamy tam mjez druhim synagogu. W Bambergu wobhladamy sej biskopsku cyrkej a město, zeznajemy mošeju a změjemy tež swobodny čas. Nimo toho steja Bad Staffelstein, Lichtenfels a klóšter Banz na programje.

T. Kubašec